

湖  
海  
文  
傳

純夫八兄足下秋間接到一函及舍弟書已悉一切茲由揚  
轉京寄來惠函并文傳目錄及鄉賢事實足見兄孝思不匱  
表揚先德恪守遺書之至意曷勝敬慰此書實與詩傳並  
重而尤重於詩有明三百年無此作也弟本應作序但因近  
年年老心忡不耐思索衰朽精神只可支持公事不能用之  
於筆墨矣凡此等書自足江河萬古不待作序方爲加重似  
兄自序爲妥或改後識爲後序可乎古人之序俱在後如說  
文等是也或題目寫曰校刻湖海文傳後序加一後字而仍  
訂在前或次連於目錄之尾皆可希與姚春木兄商之弟從  
揚州奉寄銀五十兩聊助刻資能早竣工誠以先睹爲快書  
內弟加三籤原書難寄今另抄山三紙希收鑒之春木兄久  
慕未曾親近乞道意致候肅此奉答并候近履不旣阮元頓

首

序

少司寇青浦王述庵先生曩輯湖海詩傳早風行宇內別有湖海文傳搜采甫竟將付剞劂而先生旋歿余屢訪不獲適先生同邑胡荔生孝廉肄業講院急向諮云方庀工俄持初刻稿本來則炳炳烺烺諸體俱備兼善考據非徒作空談詳覈其人蓋皆先生所及接中惟數鉅公科目稍前而通顯實當乾隆間餘大抵係丙辰建元以後是先生喪集者固乾隆一朝之文也伊古開國之始兵燹雖靖誦弦未深士之人經營疆理無暇言文文亦若有待而發漢高祖欲於馬上治天下厯文景二帝不好儒能文者祇賈生一人耳至孝武表章六經經學遂昌而董仲舒枚臯暨長卿子長兩司馬興焉東京光武投戈講藝學不免難乎識緯逮張平子班孟堅而文

始盛唐貞觀有瀛洲學士之選然以文見者殊寥寥燕許大手筆已屬開元而韓柳更值元和之際宋世亦在仁英朝歐陽唱之蘇曾諸公和之然則天地太和之氣人文之所以化成殆必積之厚而後流溢者與我

朝文治超越百代康熙初已開博學鴻詞科閱才偉製光采照耀繼起者往往不乏久之或漸趨平衍

高宗純皇帝御極制科再舉與前此已未相輝映自是建辟雍置石經聚四庫書凡遼海奇編羽陵祕笈咸登於冊藏七閣覽者既藉可增其智識助其波瀾矧

奎藻丕煥陶鑄典謨俾公卿得分日月之華而習韶謨之響競懷鉛槧思自獻以轡龍虎之文下及布衣草帶且研摩砥厲各欲成家此乾隆一朝所由文之卓然獨彰顯者也嗚呼

懿哉先生學問木貽瞻簪爲文章鯨鏗春麗聲譽風騰元勲  
碩輔折節傾慕交游尤廣復提倡風雅後進仰若山斗故隨  
地見聞逐時甄錄罔弗精當以之宣播來葉蔚稱大觀余寓  
蘇頗晚末從奉先生清塵而簡帙披尋不啻身之親炙因荔  
生同年陳君仰山轉屬一言聊就蒙意推闡如是是役也雲  
間士人醵貲雕版其校讐則陳君力居多知於鄉先達手訂  
之書倍拳拳云道光十有九年歲在己亥春二月涇朱珥譔  
於吳門紫陽書院

序

青浦王侍郎述菴先生高文博學負海內重望者數十年其  
生平所纂輯多已刊行獨湖海文傳成於晚歲未及付梓而  
卒椿昔客游杭州嘗謁公於數文講院得讀是編略聞公論  
文之旨是時椿始欲爲國朝文錄一書因從公借鈔焉公  
爲是書體例一視詩傳然其所繫之鄭重則又有過之一曰  
徵文獻一曰重實學蓋自康熙中葉以及嘉慶初年間大率  
真是此有功學問之書非獨爲世儒博聞廣見者助也公卒  
後三十餘年孫紹基始謀授梓質諸當世鉅公咸以爲宜今  
相國維揚阮公首出俸金爲之創始于是吾郡好義之士實  
相與勸其成而同邑孝廉陳君鏌爲之尤力紹基以椿嘗從  
公游屬以校正因出向時所錄副本相勘讐頗有得失而原

書所改正譌謬籤字脫落又文集之未刻刻而未及見與夫  
刻本之互有異同者深愧前劣弗克精審賴分校諸君詳覈  
再四始成善本夫先生是書之作意在傳文以傳人使以文  
字之小不備而就亾佚之大不備其爲不敏孰甚焉況此書  
已爲完善之本者哉始公欲自爲序其大意略具凡例中今  
紹基謂椿當敘之椿學識疏隘不足以知公之深而  
益堅竊以今茲所編悉仍原本用述斯事本末存公舊觀其  
所不知輒虛前簡俟世賢達有學者發抒深蘊焉爾道光十  
七年歲次丁酉季秋月同郡後學婁姚椿謹序



跋

青浦王少司寇述庵先生經術文章照耀江左平生著述甚富其湖海文傳一書凡七十五卷道光丙申丁酉間儀真阮文達公自滇中郵資佐刻風行海內三十餘年矣往者黃池告警三吳郡縣連陷合肥李肅毅伯督師平定未幾移節金陵慨念先朝文獻散佚民間廣爲蒐輯知是書尙存板質他姓命寶時訪其裔孫少逸徵君以百金贖還原板以五十金印釘百部不足則寶時從而附益之竊謂文達當時海內承平提唱風雅固自無難今四方多故而肅毅伯子羽書絡驛之際猶且不振斯文嘉惠來學俾是書得還王氏家塾以廣流傳斯足稱藝林盛事矣爰志顛末于簡尾同治五年海上備兵使者永康應寶時

湖海文傳歸板緣起

文傳之開雕也爲道光丁酉歲而設局於邑城以就同人讐校之助陳孝廉銑實襄厥成謀刷以行世板遂留於城中之尊經閣久之未歸歲庚申烽烟告警孝廉已前卒其猶子作霖作楫兩茂才運板出避頓於他所旋兩茂才皆以奔難死質板濟急紹基事後始知方以不克取歸爲憾今蒙李肅毅伯函致應敏齋觀察助金贖還俾得板藏家塾傳播藝林不獨爲紹基一家祖孫幸當亦海內文人覩此書而興大雅扶輪之頌也夫同治五年青浦王紹基謹書

湖海文傳凡例

一我朝崇尚古文作者林立余欲倣昌氏文鑑之例輯訂成書俾無散佚爰稽國初以來名家專集及遺文逸獻家塾藏者無多恭遇文思廣被得奉定皇清文穎一書睿鑒精嚴足爲模楷迺本詩傳之例就生平師友及門下士所作彙爲湖海文傳其往時名手及當世盛有文名而爲投契所未及者姑恕置焉

一前代選家自昭明文選以下如文苑英華宋文鑑元文類皆詩賦兼收惟梁谿顧氏宋文選不登詩賦梨洲黃氏明文授讀則置賦於卷末而詩亦不錄焉予輯湖海詩傳旣已單行而賦爲有韻之文故文傳中遵文選英

華諸書之例仍以居首

一予早年通籍備位承明恭遇國家慶典一時侍從諸

臣拜手麇颺敬呈

乙覽而體尙莊嚴辭歸典雅實

足備一

朝掌故非苟爲炳炳琅琅者故文傳中賦頌

多取進

御之作而經筵講義亦謹錄入欲使逢掖

之士略窺程式以爲他日拜獻之資焉

一說經論史言人人殊各據所見原屬並行不悖文傳中

所錄論辨考釋解說諸篇雖持論間有異同然皆學有

本原辭無枝葉正足資學者疏通而證明焉故不敢執

一見以爲去取

一叙文次第稍以經史子集爲先後諸作皆能於本書推

見原委是以所收較夥詩文集叙則必於原流派別與

其人之性情學問有所發明方始登載至贈行壽言昔賢集中不廢斯作故亦間爲采錄

一學宮書院諸記皆所以正人心培學殖而先賢祠義田義莊之作尤足勵名節而厚風俗至寺院園亭僅在點綴林泉流連景物故所收從略

一文傳所錄往還書牘皆於經史事物推闡精義足爲後學津梁予交當世士大夫五紀於茲皆以道義文章相切劘辱貽書問盈篋笥已命兒子肇和裝潢成帙惟其人文不多見間爲錄入

一我朝鉅公長德後先相望凡史宬所藏外間無由窺見惟藉碑狀誌傳得以稍知崖略至續學獨行之儒循覽遺徽亦足風世勵俗又傳所采以事功學問內行

文詞爲類於類之中亦按其人科第爲次

一哀誄祭文近世視爲應酬之作過情之譽幾同謾墓求其情文相生詞無溢美者百不得一至於銘贊必句奇音雅方合體裁文傳中各取數篇以備一格

一經傳碑版題跋或究其原或正其失言簡而賅皆於本

文互相發明翁閣學方綱

錢少詹

大昕

阮撫軍

元諸君

所撰金石跋尾尤足其經史攷證予所輯金石萃編中

業經收采茲不更錄

一諸體標名各以類爲卷其有無可附麗而文足採取者前賢選集謂之雜著今仍其名附於卷末

一文苑英華網羅極博卷以千計宋文鑑諸書皆甄錄一代之文多者一百五十卷少則三十卷予輯文傳得七

十五卷雖不能踵武前修然自康熙中葉以至於今古文作者略備焉後有呂公其人者未必不藉此爲嚆矢也

一予編詩傳皆準科第爲先後今文傳取分類之例一類中又各以命題體製爲類如賦之先謁

巡幸大獵頌之先謁

陵而後

耕藉

臨雍是也

例不得復準科第故先後不免倒置

一文傳所錄有集行世者十之四五其或有集未刊或刊而未見則皆錄其平昔寄示之作至其人本無專集偶見他書必急爲採取葢吉光片羽彌足寶貴

一駢儷之文與散體分道揚鑣殊途合轍故文苑英華諸書一體甄錄而文鑑則古賦後另標律賦余以流派旣

分不能兼收乃取沈博絕麗及清新婉約之作別爲駢  
體文傳非故爲軒輊也

嘉慶乙丑仲夏青浦王昶德甫氏識



先大父手輯湖海文傳一書成於嘉慶乙丑越歲丙寅大父

卒先府君以文傳諸書謀欲付梓而卷帙繁重力未逮也歲

丙戌府君病劇命紹基紹濬曰先大夫生平著述付梓者僅

十之四五遺稿汝謹藏之他日質諸鉅公俾得傳世行遠先

大夫之志亦余之志也基兄弟謹誌之不敢忘甲午赴省試

謁梅叔阮丈於邸舍陳文傳凡例目錄轉求今相國儀徵阮

公作序乙未得相國賜書謂此書與詩傳並重而尤重於詩

有明三百年無此作也倡助刻資促早歲事垂諭敦摯爰遵

相國命商諸同邑孝廉陳君鏞陳君故縝密詳細人也深知

是書讐校之難乃邀姚丈椿蔡丈春雷倪君臯吳君淮葉君

奎分任其事徧求集中所采諸公文集勘對再四冀無遺憾

間有未經刊集及已刊而未及見者乞涇縣朱蘭坡官贊爲

一

之鑒定三厯寒暑乃付梓人其間任校勘之勞籌剗刷之費  
尤賴陳君銳身任之工始得竣焉紹基謏陋異懦深懼弗克  
負荷藉非阮相國倡助於前張詩舲廉訪諸君繼贊於後姚  
蔡數君子先後任其勞孝廉陳君董其成而終其事曷克仰  
承先志俾名公鉅卿老師宿儒之著作照耀藝林而作者輯  
者並垂不朽者哉嗚呼是不可以不書也感慰之餘粗誌顛  
末至先大父所輯天下書院志銅政全書碧海蘭苕兩集容  
俟後日刊行以竟先大父暨先府君未竟之志云道光十有  
九年歲次己亥夏六月孫紹基謹識

湖海文傳目錄

卷一賦

聖駕東巡盛京恭謁

祖陵大禮慶成賦謹序

寶光鼎

聖駕祇謁

泰陵西幸五臺山恭賦

劉星煒

駕幸熱河賦謹序

劉星煒

駕幸京口三山賦

劉星煒

哨鹿賦

朱筠

後哨鹿賦

朱筠

卷二賦

皇太后八旬萬壽賦謹序

吳省欽

平定金川賦謹序

汪由敦

聖謨廣運平定準噶爾賦

朱筠

星象賦有序

吳錫麒

漢長無相忘瓦賦有序

吳省蘭

種竹圖賦有序

王芑孫

快賦有序

陳鱣

卷三頌文

聖駕東巡盛京恭謁

祖陵大禮慶成頌謹序

史貽直

聖駕東巡盛京恭謁

祖陵大禮慶成頌謹序

裘曰修

聖主臨雍禮成頌謹序

汪由敦

聖主臨雍禮成頌

謹序

杭世駿

聖主躬耕藉田頌

謹序

杭世駿

皇上肇建辟雍釋奠講學禮成頌

謹序

呂星垣

聖武遠揚平定回部西陲永靖大功告成文

謹序

朱珪

卷四

講義

大哉乾元萬物資始乃統天

陳兆崙

君子以類族辨物

劉綸

豐亨王假之勿憂宜日中

程景伊

帝德罔愆臨下以簡御眾以寬罰勿及嗣賞延於世宥

過無大刑故無小罪疑惟輕功疑惟重與其殺不辜

寧失不經好生之德洽于民心茲用不犯于有司

陳兆崙

兢兢業業一日二日萬幾

杭世駿

亦行有九德亦言其人有德乃言曰載采采

劉綸

日就月將學有緝熙于光明

杭世駿

冢宰以九職任萬民一曰三農生九穀二曰園圃毓草木三曰虞衡作山澤之材四曰藪牧養蕃鳥獸五曰百工飭化八材六曰商賈阜通貨賄七曰嬪婦化治絲枲八曰臣妾聚斂疏材九曰閒民無常職轉移執事

杭世駿

正月之吉始和布教於邦國都鄙乃縣教象之法于象魏使萬民觀教象挾日而斂之乃施教法於邦國都鄙使之各以教其所治民

劉綸

勤則左史書之言則右史書之

程景伊

凱以強教之弟以悅安之

程景伊

是故君子反情以和其志比類以成其行姦聲亂色不  
畱聰明淫樂慝禮不接心術惰慢邪僻之氣不設於  
身體使耳目鼻口心知百體皆由順正以行其義

杭世駿

唐高祖武德九年置宏文館

沈德潛

唐太宗貞觀六年冬大有年

沈德潛

唐貞觀六年秋閏七月宴近臣于丹霄殿

沈德潛

卷五 論

無逸論

余慶長

君牙罔命呂刑論

余慶長

楚子囊城郢論

顧棟高

春秋子野卒論

顧棟高

春秋大夫無生而賜氏論

顧棟高

孔子請討陳恒論

顧棟高

春秋時海道論

顧棟高

宋疆域論

顧棟高

秦疆域論

顧棟高

楚疆域論

顧棟高

史記越句踐世家與吳越春秋越絕書竹書紀年所書

越事各不同論

顧棟高

魯無文王廟論

顧棟高

卷六論



秦康公論

韋協夢

先軫論

韋協夢

鼂錯論

錢大昕

公孫宏議族郭解論

黃之紀

梁武帝論

錢大昕

高歡宇文泰論

袁枚

徐有功論

袁枚

裴行儉知人論

沈德潛

張巡論

彭紹升

王安石論

沈德潛

洛蜀黨論

錢大昕

方孝孺死節論

陳祖范

于謙論

陳祖范

張孚敬論

施朝幹

卷七論

明堂論

阮元

封泰山論

阮元

庶孫父卒不為所生祖母服三年論

馮浩

編審論

盛百二

四清聲論

樓儼

名論

楊揆

卷八釋

春秋左氏釋疑

汪中

明堂通釋

汪中

釋周禮地征

沈彤

心喪釋

杭世駿

釋名

袁枚

卷九解

在璿璣玉衡以齊七政解

戴震

堯典中星漏刻解

錢塘

篤公劉輶琫容刀其軍三單解

羅有高

燔柴泰壇解

邵晉涵

旅酬下爲上解

王元啟

周禮太史正歲年解一

戴震

周禮太史正歲年解二

戴震

攷工予制解

陳鱣

卷十 解 答問 對

周髀北極璿璣四游解一

戴震

周髀北極璿璣四游解二

戴震

律寸解

錢塘

居喪釋服解義

汪中

婦人無主答問

汪中

廣陵對

汪中

卷十一 考

二南考

胡虔

騶虞考

丁杰

首飾考

丁杰

三代田制考

錢塘

無算爵考

韋協夢

明堂月令考

桂馥

春秋三傳禘祫考

顧棟高

春秋諡法考

顧棟高

豫章考

胡虔

豫章考

洪鐘

卷十二考證

日經考

孫星衍

河圖洛書考

孫星衍

王莽大泉五十考

翁方綱

銅柱考

翁方綱

魏故南秦州刺史司馬使君墓誌銘考

馮敏昌

長興謝文靖公墓考

邢澍

畏吾村考

查禮

石鼓文證

汪中

卷十三辨

三江辨上

錢塘

三江辨下

錢塘

太王翦商辨

黃之紀

喪三年不祭惟祭天地社稷爲越紼而行事辨

魯嗣光

辨四朋萬氏兄弟論禘之失

顧棟高

辨萬氏季野論禘之失

顧棟高

孔子使子貢說四國存宗魯辨

張鏞

漢西京無太學辨

厲鶚

太初改歷年名辨

王元啟

正蒙七政隨天左旋辨

凌廷堪

周尺辨

錢塘

貞女辨上

焦循

貞女辨下

焦循

卷十四 議

孝賢皇后升祔大禮議

汪由敦

擬請復漢儒盧植從祀議

杭世駿

擬置辟雍議

孫星衍

齊襄公復九世讐議

厲鶚

荀息傅奚齊議上

黃之紀

荀息傅奚齊議下

黃之紀

宋明大禮私議

雷鎡

喪所生母雜議

沈彤

師制服議

杭世駿

朋友制服議

杭世駿

爲殤立後議

杭世駿

邊防議

陳黃中

練兵議

陳黃中

養兵議

陳黃中

京東水利議

陳黃中

卷十五 說

用九用六說

葉佩蓀



後說之弧說

魯肇光

典樂教胄子說

洪榜

彭蠡三江說

管世銘

禹貢三江說

許崇彥

管叔監殷說

姚鼐

卷十六說

詩碩人說

沈彤

凱風說

管世銘

秦無衣說

管世銘

斯干說

姚鼐

周官頒田異同說

沈彤

郊祀有尸說

唐仲冕

聖人句讀說

唐仲冕

世婦說

唐仲冕

內人弔臨說

唐仲冕

媒氏會男女說

姚鼐

孔子閒居說

姚鼐

不郊猶三望說

魯嗣光

春秋公羊傳說

管世銘

論語一貫說

阮元

中庸說

錢大昕

卷十七 說

日月東行說

錢維城

左旋右旋說

段玉裁

六書說

江聲

華嚴字母說

丁杰

五聲說

段玉裁

還宮說

錢塘

卷十八 說原

廣師說贈蔣清容

王太岳

昏說

夏之蓉

儉說

韋協夢

味經篇說

陳祖范

鵠聖書齋說

王元啟

伐蛟說

陳宏謀

蠶神說

馮浩

商周銅器說

阮元

玉圭圖說

武億

晦之字說

錢大昕

原士

袁枚

原氣上

韋協夢

原氣中

韋協夢

原氣下

韋協夢

卷十九序

李氏易傳序

盧見曾

談易窺豹序

王元啟

易漢學自序

惠棟

周易孔義序

秦蕙田

周易象義目錄序

沈起元

易通序

程晉芳

凌氏易說序

張遠覽

周易知旨編序

程晉芳

古文尙書考自序

惠棟

古文尙書考序

沈彤

古文尙書考序

錢大昕

尙書後案序

王鳴盛

讀詩旨括序

王元啟

毛詩補傳自序

戴震

卷二十序

禮箋序

朱珪

漢讀考周禮六卷自序

段玉裁

漢讀考周禮六卷序

阮元

周官彙說序

韋協夢

周官祿田考序

惠棟

冬官旁求序

辛紹業

考工記圖序

紀昀

儀禮易讀序

雷鋹

儀禮易讀序

齊召南

儀禮管見序

錢大昕

儀禮集解序

韋協夢

儀禮經註疏正譌序

王鳴盛

卷二十一 序

春秋大事表總序

顧棟高

春秋朔閏表序

顧棟高

春秋列國疆域表後序

顧棟高

春秋左傳補註自序

惠棟

讀左補義序

錢維城

讀左補義自序

姜炳章

爾雅正義序

邵晉涵

釋地補註後序

孫星衍

四書就正錄序

錢大昭

論語廣注序

彭元瑞

孟子趙註序

孔繼涵

倉頡篇序

刊倉頡篇序

重校方言序

校正白虎通序

廣雅疏證序

重鈔說文繫傳序

字林考逸序

漢隸字原考正序

字體辨譌序

隸八分辨序

六書論自序

漢魏音自序

畢沅

孫星衍

盧文弨

盧文弨

王念孫

徐堅

任大椿

錢塘

沈起元

厲鶚

戴震

洪亮吉



古韻標準序

羅有高

周秦名字解故序

王引之

卷二十三序

校刻逸周書序

謝墉

校刻韓詩外傳序

趙懷玉

尚書大傳序

盧見曾

尚書大傳考纂序

沈彤

重刻大戴禮記序

盧見曾

大戴禮記補注序

阮元

家語疏證序

陳鱣

十學新傳序

呂泰

五禮通考自序

秦蕙田

明堂大道錄序

諸錦

讀大學衍義補膚見序

盧文弨

傳經表序

畢沅

刊九經三傳沿革例序

任大椿

羣經宮室圖序

阮元

經籍纂詁序

王引之

卷二十四序

史記志疑序

錢大昕

校正史記月表序

王元啟

漢書正誤序

錢大昕

漢書人表考序

梁玉繩

新編注地里志序

錢坫

新校定熊方後漢書年表序

盧文昭

後漢書補表序

盧文昭

卷二十五序

三國志補注序

洪亮吉

三國志辨疑自序

錢大昭

三國疆域志自序

洪亮吉

三國疆域志後序

吳蘭庭

補三國疆域志後序

錢坫

西魏書序

錢大昕

西魏書後序

胡虔

五代史記纂誤補序

吳蘭庭

遼史拾遺記序

厲鶚

重訂正史約序

陳宏謀

廿二史劄記序

李保泰

卷二十六序

校正山海經序

孫星衍

晉太康三年地志王隱晉書地道記總序

畢沅

戴氏重訂水經注序

孔繼涵

元和郡縣補志序

盧文昭

水道提綱序

齊召南

建昌府志序

湯聘

岳州府志序

楊錫紱

南匯縣新志序

吳省欽

續外間志序

錢大昕

博山防守記序

王元啟

卷二十七

錢錄序

梁詩正

續泉志序

厲鶚

復社姓氏錄序

秦瀛

翰林官制序

劉綸

蕭山王氏族譜序

杭世駿

龜山楊氏第三支世譜序

王元啟

東昌鄧氏世譜序

王元啟

珥塘荆氏族譜序

洪亮吉

黃忠節公年譜序

錢大昕

節婦傳序

陳宏謀

建元類聚攷序

錢東垣

卷二十八序

老子道德經訂註自序

黃文蓮

重雕墨子序

畢沅

晏子春秋序

孫星衍

孫子畧解序

孫星衍

文子序

孫星衍

重刊荀子序

謝塘

呂氏春秋新校正序

畢沅

重刊賈誼新書序

盧文昭

算經十書序

孔繼涵

周髀算經圖注序

沈大成

九數通考序

戴震

句股衍總序

王元啟

三統術衍序

阮元

五行大義序

許宗彥

卷二十九序

義學彙記序

尹繼善

義學彙記序

陳宏謀

六藝之一錄序

厲鶚

金石存自序

吳玉搢

永清金石序

周震榮

金石三跋序

武億

漢印譜序

厲鶚

黃氏書錄序

杭世駿

通俗編序

周天度

十駕齋養新錄序

阮元

粵行紀事序

王峻

泮澣百金方序

王芑孫

地理折中序

沈德潛

新訂天玉青囊序

沈大成

卷三十序

衛文節公奏議序

沈德潛

重刊戴九靈先生集序

杭世駿

重刻黃陶庵先生全集序

沈德潛

顧亭林先生餘集序

彭紹升



黃府遺集序

錢陳羣

甘莊恪公集序

陳宏謀

黃崑圃先生文集序

錢大昕

陳司業全集序

顧鎮

王侍御詩文集小序

沈德潛

味經窩類稿序

錢大昕

沈冠雲文集序

沈德潛

青虛山房集序

王芭孫

金壽門遺集十種序

沈大成

梅厓集序

雷鉉

梅厓居士文集序

朱珪

學福齋集序

惠棟

李客山文稿序

戴東原集序

尊聞居士集序

切問齋文鈔序

卷三十一序

重刻杜牧之詩集序

全五代詩序

明人詩鈔自序

明滇南詩畧序

山左詩鈔序

江西詩徵序

王漁洋先生精華錄序

沈德潛

段玉裁

彭紹升

陸燿

沈大成

李調元

朱炎

袁文典

盧見曾

曾煥

翁方綱

竹濤蔡先生遺集序

陸錫熊

梅勿庵詩集序

沈起元

傅鴻臚謹齋詩序

沈起元

李玉洲太史詩序

沈德潛

陳西田梅莊二先生詩序

蔣恭棻

周朗亭詩序

沈起元

雙清閣詩集序

厲鶚

桐石草堂集序

汪孟錫

舊雨草堂詩序

趙佑

二研齋遺稿序

平聖臺

丁辛老屋集序

吳泰來

卷三十二序

盧抱孫出塞集序

沈起元

游梁集序

秦朝鈞

羅雨峰登岱詩小序

朱孝純

慰忠祠詩序

吳省欽

古樹詩續集序

孫灝

刻燭集序

吳玉綸

鴛鴦湖權歌序

梁同書

論印絕句序

吳騫

左傳樂府自序

鄭勲

蘭皋風雅序

杭世駿

王秋汀獺髓集序

沈大成

南樓吟稿序

沈大成

生秋閣遺集序

沈清任

重校山中白雲詞序

厲鶚

梅邊琴泛詞序

趙虹

調香詞自序

周大樞

自怡軒詞選序

許寶善

卷三十三 序

送固原齊都督之楚序

王太岳

送龔愚安之長沙序

杭世駿

送學博易疇程同年歸新安序

嚴翼

送甄青圃序

施朝幹

贈吳佩之序

陸燿

贈屠罕涯序

羅有高

相國西田王公八十壽序

沈起元

座主臨川師五十壽序

錢陳羣

黃可爲壽序

王元啟

王太孺人壽序

張遠覽

督運圖序

沈起元

文昌會序

沈大成

卷三十四 記

重修成都府學大成殿記

吳省欽

安州學重建明倫堂記

杭世駿

重建潼川府學尊經閣記

吳省欽

什邡縣方亭書院新建聖像樓記

吳省欽

蘇州府學重修道山亭浚池建橋記

蔣恭棐

重建錦江書院講堂記

吳省欽

西湖謁經精舍記

阮元

四川學院題名記

吳省欽

江南河庫道題名碑記

謝啟昆

卷三十五

記

重修醫學四聖廟記

彭紹升

任城書院學海樓釋奠先賢任子記

盛百二

歸州修楚屈左徒廟記

吳省欽

創漢武氏祠記

黃易

重修少陵草堂後祠記

吳省欽

重修唐宋忠良祠記

康基田

重修魯肅簡公祠堂記

秦瀛

重葺邵文莊公祠堂記

顧光旭

重修周文襄夏忠靖二公祠記

康基田

重建貴陽府學名宦鄉賢祠記

韋謙恒

明張忠烈公墓石記

邵志純

卷三十六記

重修于清端公祠并清理祭田碑記

雅爾哈善

三賢祠祀田記

梁國治

祀施黃二先生記

韋謙恒

和州二薛孝子祠祠碑記

朱筠

揭陽縣學魁星樓記

杭世駿

枝江縣福山三星祠記

吳省欽

川主廟記

吳大勲



五十三參象記

金姓

諸葛村重修古顯慶寺記

張遠賢

太倉州鐘樓銅鐘記

王鳴韶

卷三十七記

吳縣陶氏義莊記

雅爾哈善

陳氏義莊記

魯九臯

仲正公家廟義田記

魯九臯

貢川楊氏科舉田記

王元啟

錢氏祠堂記

錢大昕

黃鶴樓記

畢沅

公孫橋記

王元啟

和州梅豪亭記并銘

朱筠

逸園記

蔣恭棐

漱藝堂記

吳省欽

容齋記

杭世駿

所好軒記

袁枚

吳邱記

申兆定

吳蓬記

秦瀛

卷三十八 記

保德風土記

陸燿

高平行記

王太岳

題上方二山游記

查禮

查慢梭金厰行記

余慶長

游潞城文湖記

曹錫齡

遊釣臺記

董詔

卷三十九

記

記堯典中星

戴震

記夏小正星象

戴震

石刻孝經論語記

阮元

鹵簿名物記

陸燿

麗景校書圖記

盧文弨

記湯烈女事

錢大昕

聞人女貞節記

王元啟

徐催孝節記

王元啟

卷四十

書

答顧梅坡論易書

陸燿

與王德甫書

錢大昕

與王編修鳳階書

戴震

寄王西莊先生書

錢塘

與程魚門太史書

呂星垣

與焦理堂書

江藩

與王德甫書

惠棟

與楊農先生書

顧棟高

答顧復初先生書

華玉淳

答復初先生書一

華玉淳

答復初先生書二

華玉淳

與王德甫書

錢大昕

復錢少詹書

洪亮吉

卷四十一書

答江慎修先生論小學書

戴震

與王德甫書

褚寅亮

答孫淵如書

錢大昕

與王無言書

錢塘

與段大令若膺書

孫星衍

與戴東原書

錢維城

論韻書中字義答秦尙書書

戴震

與段若膺書

錢大昕

卷四十二書

與賈雲臣論史記書

朱筠

與梁燿北論史記書

錢大昕

與梁燿北論史記書三

錢大昕

與朱震江書

王元啟

與錢辛楣論熊方後漢書年表書

盧文弨

與鮑以文書

盧文弨

答明史館某論史事書

汪由敦

與邵二雲前輩書

法式善

復王舍人書

楊述曾

答談階平書

錢大昕

再與談階平書

錢大昕

復談孝廉書

姚鼐

與姚姬傳書

錢大昕

上王述庵先生書

錢坫

復王德甫書

趙文哲

再復王德甫書

趙文哲

答袁簡齋書

錢大昕

再答袁簡齋書

錢大昕

卷四十三

答大興朱侍郎書

錢大昕

與孫淵如書

錢大昕

答孫淵如觀察書

錢大昕

與戴東原書

錢大昕

上錢竹汀少詹問七政諸輪書

焦循

復李尙之言天文推步書

焦循

答孫苻如同年書

凌廷堪

與焦理堂論宮室書

江聲

復江艮庭處士書

焦循

答葉太守論譜學源流書

王元啟

答金震方先生問律例書

袁枚

卷四十四書

與友論齊期稽首書

李果

上馮師問喪儀書

陸燿

與朱同升兄弟書

魯九臯

與某刺史書

袁枚

與顧肇聲論墓銘諸例書

沈彤

復梁少師書

杭世駿

論汪涵存墓誌書

王元啟



與蘭泉先生書

王芑孫

與彭允初書

王芑孫

寄孫楚池師書

盧文昭

與是仲明書

戴震

答友人某論文書

袁枚

答友人論文第二書

袁枚

與袁子才先輩論小倉山房文集書

彭紹升

與馮星實鴻臚書

錢大昕

卷四十五

上徐大司空論從祀書

汪由敦

答門生王禮圻問作令書

袁枚

上慧方伯書

喬光烈

上撫軍書

秦瀛

上石經館總裁書

洪亮吉

論導河書三首并序

陳黃中

與某論漢儒品行書

焦循

復戴東原言理欲書

陸燿

與楊觀察書

王元啟

與王惺齋論佛教書

陸燿

答滋圃中丞論推命書

袁枚

與蕭盡思書

王元啟

卷四十六

書

答梁野石書

王太岳

答羅泰初書

王太岳

答李少鶴書

秦瀛

答李石農書

秦瀛

答大理述庵兄書

王鳴韶

答陳繹堂書

魯九臯

與同年周靜函書

魯九臯

與韓公復書

魯九臯

與崔瘦生書

洪亮吉

致孫編修淵如書

程敦

與孫季述書

洪亮吉

卷四十七碑

重修會稽大禹陵廟碑

阮元

重修錢塘西溪天曹廟碑

厲鶚

機神廟碑

厲鶚

蒿庵書院碑

陸燿

金川崇化屯新建慰忠祠碑

姚令儀

劉公祠碑

張遠覽

侍講彭止庵先生祠堂碑

蔣恭棐代張儀書

明太子太保南京吏部尚書徐忠懿公墓碑

秦瀛

重修畢氏先塋饗堂碑

張九鉞

卷四十八碑

文淵閣大學士諡文定劉公墓碑

于敏中

太子少傅工部尚書裴文達公神道碑

袁枚

資政大夫湖北巡撫盧公神道碑

呂星垣

通議大夫湖北提刑按察使司按察使兼管驛傳馮君

神道碑

汪中

卓行碑

彭紹升

卷四十九 碑

文華殿大學士太傅朱文端公神道碑

袁枚

文淵閣大學士太保史文靖公墓碑

劉綸

光祿大夫吏部尚書協辦大學士事諡文定孫公神道

碑銘

陳兆崙

光祿大夫禮部尚書吳文簡公神道碑

汪由敦

文華殿大學士尹文端公神道碑

袁枚

卷五十 碑

福建巡撫敏惠潘公神道碑

沈大成

資政大夫工部侍郎范公神道碑

陸燿

經筵講官兵部尙書彭公神道碑

袁枚

太子太保光祿大夫兵部尙書都察院右都御史總督

漕運楊勤愬公神道碑

魯九臯

太子太保光祿大夫兵部尙書總督河南河東河道提

督軍務諡愬敬張公神道碑

陳兆崙

卷五十一

墓表 墓碣

邵念魯先生墓表

朱筠

林院待詔小湖高先生墓表

沈大成

植墓表

施朝幹

處士陳先生墓表

錢大昕

贈儒林郎翰林院檢討彥傑曹公墓碣

錢大昕

沈房仲墓碣

杭世駿

孝女吳淑士墓碣

杭世駿

章烈婦墓碣

邵齊燾

卷五十二 墓誌

文林郎前右春坊右贊善兼翰林院檢討趙秋谷先生

墓誌銘

汪由敦

太保光祿大夫 保和殿大學士致仕諡文和桐城張

公墓誌銘

汪由敦

資政大夫都察院左都御史 贈太子少傅禮部尚書

沈端恪公墓誌銘

彭啟豐

資政大夫禮部左侍郎胡公墓誌銘

彭啟豐

中大夫直隸長蘆都轉鹽運使蔣公墓誌銘

陳黃中

光祿大夫吏部尙書協辦大學士諡文恪劉公墓誌銘

陳兆崙

卷五十三 墓誌

李逸民墓誌銘

沈德潛

胡東樵先生墓誌銘

杭世駿

黃再岑墓誌銘

杭世駿

王耕煙墓誌銘

沈德潛

黃尊古墓誌銘

沈德潛

翰林院編修蔣君墓誌銘

錢陳羣

通許知縣潘嵩崖先生墓誌銘

魯九臯

贈儒林郎汪君墓誌銘

杭世駿

溧陽縣教諭鐵夫韋君墓誌銘

劉綸



卷五十四 墓誌

光祿大夫 經筵講官太子太傅東閣大學士兼工部

尚書陳文恭公墓誌銘

彭啟豐

內閣學士張公墓誌銘

姚鼎

光祿大夫 經筵講官吏部尚書諡文肅王公墓誌銘

汪由敦

榮祿大夫吏部右侍郎加尚書銜諡恭定吳公墓誌銘

陸錫熊 代于文襄

孝廉于先生墓誌銘

張遠覽

翰林院庶吉士嚴君墓誌銘

杭世駿

卷五十五 墓誌

大學士 贈太保梁文莊公墓誌銘

杭世駿 代劉文正

通奉大夫都察院左副都御史雷公墓誌銘

彭啟豐

原任禮部侍郎齊公墓誌銘

袁枚

迤西兵備道唐公墓誌銘

呂星垣

宗人府主事孫君墓誌銘

邵齊燾

陳少章先生墓誌銘

王峻

惠定宇先生墓誌銘

陳黃中

卷五十六 墓誌

給四品銜翰林院侍讀楊君墓誌銘

劉綸

都察院左都御史竇公墓誌銘

秦瀛

翰林院編修邵公墓誌銘

鄭虎文

贈中憲大夫壽張縣知縣沈君墓誌銘

王元啟

惺齋王先生墓誌銘

翁方綱

鄉貢進士候選知縣涂詠菴先生墓誌銘

魯九皋

太學生魯公諒夫墓誌銘

魯九皋

卷五十七 墓誌

湖南巡撫陸君墓誌銘

馮浩

翰林院編修朱公墓誌銘

朱珪

監察御史 贈副都御史曹君墓誌銘

朱珪

宗人府府丞慕堂曹公墓誌銘

朱珪

朝議大夫戶部河南司主事孔君墓誌銘

翁方綱

武義大夫貴州提標右營游擊何君墓誌銘

胡西琴先生墓誌銘

姚鼐

蔣君修隅墓誌銘

梁同書

卷五十八

墓誌

塔銘

熊太夫人墓誌銘

錢大昕

秦室汪安人墓誌銘

王鳴盛

張太宜人墓誌銘

王元啟

亡室朱淑人墓誌銘

陸錫熊

唐太孺人墓誌銘

沈德潛

詩僧亦公塔銘

杭世駿

天台萬年寺杲明禪師塔銘

沈業富

勅封闡教禪師塔銘

際醒

卷五十九 行狀

太子少保禮部侍郎徐公行狀

陳兆崙

侍讀鄭公行狀

杭世駿

刑部右侍郎王公行狀

杭世駿

光祿寺卿沈公行狀

袁枚

詹事府詹事兼翰林院侍讀學士張先生行狀

沈德潛

翰林院編修栢東臯先生行狀

邵齊燾

碭山縣教諭勉廬謝先生行狀

邵齊燾

衢州府知府穆庵林公行狀

朱筠

錢處士行狀

錢大昕

卷六十 行狀 述

江慎修先生事略狀

戴震

戴先生行狀

洪榜

沈沃田先生行狀

汪大經

候選縣丞附監生黃君行狀

洪亮吉

薛家三述

彭紹升

羅臺山述

彭紹升

汪大紳述

彭紹升

卷六十一 傳

李文襄公傳

沈德潛

勇略將軍趙襄忠公傳

袁枚

劉崑傳

張庚

于清端公傳

戴震

左都督藍公家傳

盛百二

威信公岳大將軍傳

袁枚

黃太常傳

沈德潛

卷六十二傳

文淵閣大學士太倉王公傳

袁枚

楊文定公家傳

盧文昭

內閣學士原任直隸總督臨川李公傳

袁枚

孫文定公家傳

盧文昭

卷六十三傳

錢塘吳氏家傳

朱筠

都督洪公祖烈傳

沈彤

明學博劉先生傳

沈德潛

徐侯齋傳

王峻

三孝子傳

沈德潛

理君安和傳

張遠覽

劉秀才傳

張遠覽

毛乾乾傳

江藩

樵李兩孝廉傳

張庚

西湖二先生傳

張庚

卷六十四傳

二曲先生傳

張庚

閻若璩傳

杭世駿

龔鑑傳

杭世駿

鄭先生傳

盛百二



邵學士家傳

洪亮吉

卷六十五 傳

葉先生傳

沈德潛

胡孝子傳

鞠遜行

外王父鍾先生家傳

羅有高

孝潔周先生傳

沈大成

爲山先生傳

張遠覽

張可庭先生傳

張遠覽

隱君丁敬傳

杭世駿

徵士翁霽堂傳

沈德潛

陳東莊先生傳

彭紹升

梁孝廉處素小傳

盧文昭

適園蔣公傳

袁枚

國子監生呂君家傳

鄭虎文

李君傳

洪朴

國子生黃君東山小傳

王希伊

卷六十六

傳書事

劉烈母家傳

王太岳

朱烈婦傳

王元啟

孝節夏孺人傳

金牲

顧母過太恭人家傳

尹壯圖

徐媛傳

沈大成

繼室陳恭人小傳

沈世燾

曹宗丞逸事

紀昀

書潘孝子

邵志純

書焦存兒事

張庚

書羅烈婦李寧

朱筠

書烈婦景事

朱筠

少婦周紀事

朱筠

書王貞婦

邵志純

書趙氏老婢事

杭世駿

卷六十七

祭文

哀詞

錄

祭副憲趙學齋同年文

汪由敦

祭浙江提督喬公東齋

照文

陸錫熊

吳臺卿哀詞

許宗彥

金孺人哀詞并序

李果

殷貞女哀詞

查禮

蔣秋涇先生誄

邵齊燾

卷六十八贊銘

御繪詩經全圖贊

梁詩正

三希堂圖贊

梁詩正

紫光閣次五十功臣像贊

劉綸

參贊大臣一等誠勇公都統巴祿

參贊大臣杭州將軍福祿

原領隊大臣寧夏將軍一等子和起

參贊大臣喀爾喀扎薩克和碩親王桑塞多爾濟

參贊大臣喀爾喀扎薩克多羅郡王車木楚克扎布

原領隊大臣都統滿福

領隊大臣甘州提督閻相師

領隊大臣回部郡王品級貝勒玉素富

御前侍衛副都統西耶阿巴圖魯查拉豐阿

領隊大臣副都統瑚爾起

原領隊大臣副都統阿敏道

副都統墨爾根巴圖魯伍岱

副都統觀音保

領隊大臣肅州總兵官五福

回部公和闐阿奇木伯克阿什默特

回部公喀什噶爾阿奇木伯克噶岱默特

前鋒叅領特古爾得爾巴圖魯良音太

署叅領喀爾克巴圖魯巴岱

協領布彥圖巴圖魯布爾哈

察哈爾總管蘇朱克圖巴圖魯納蘭圖

原領隊大臣察哈爾總管坤都爾巴圖魯巴爾阿

索倫總管齊達克齊巴圖魯阿爾哈爾沁

索倫總管哈坦巴圖魯薩壘

原索倫總管賽沙爾泰巴圖魯扎爾善

索倫佐領克圖爾克巴圖魯諾璊察

頭等侍衛什爾瑪海巴圖魯德爾森保

頭等侍衛塔蘇爾海巴圖魯占頗圖

頭等侍衛固勇巴圖魯伊薩穆

三等侍衛克什克巴圖魯伍克什爾圖

三等侍衛克爾車赫巴圖魯沙津察

三等侍衛坤都爾巴圖魯扎敦察

頭等侍衛丹巴巴圖魯莽喀察

頭等侍衛布哈巴圖魯齊里克齊

頭等侍衛卓里克圖巴圖魯額訥慎

原頭等侍衛瑚集圖

原二等侍衛克丑巴圖魯寧古禮

原三等侍衛伊德爾巴圖魯奎瑪岱

原三等侍衛特通額

原藍翎侍衛莫寧察

二等侍衛丹巴巴圖魯那木查爾

二等侍衛特古思巴圖魯塔尼布

二等侍衛哈什哈巴圖魯瑪格

原二等侍衛哈什哈巴圖魯達爾漢

三等侍衛卓克托巴圖魯恩特

三等侍衛西爾庫濟巴圖魯伊達木扎布

三等侍衛庫爾察巴圖魯茂漢

三等侍衛舒多拉呼巴圖魯西爾庫爾

原三等侍衛拜爾達爾

原藍翎侍衛舒倫巴圖魯喀拉

藍翎侍衛固濟爾巴圖魯伊登古

李烈婦贊

厲鶚

陳文恭公與故副將白雲上手帖贊

王芑孫

天山贊

洪亮吉

瀚海贊

洪亮吉



冰山贊

洪亮吉

淨海贊

洪亮吉

未央宮瓦研銘

梁詩正

溫室瓦研銘

梁詩正

銅雀臺瓦研銘

梁詩正

宋謝文節公橋亭卜卦研銘

查禮

鐘研銘

袁枚

井田研銘

袁枚

卷六十九

書後

讀儀禮

韋協夢

大戴禮記目錄後語

戴震

書春秋禘祫說後

顧棟高

書陳止齋春秋郊禘說後

顧棟高

書玉篇卷末聲論反紐圖後

戴震

書盧侍講所藏宋本廣韻後

戴震

書劉鑑切韻指南後

戴震

讀淮南子洪保

戴震

書貨殖傳後

姚鼐

讀婁師德傳

黃之紀

讀胡忠簡公傳

袁枚

卷七十書後

書春秋繁露後

盧文弨

書子華子後

盧文弨

書握奇經後

盛百二

書瑣綴錄後

沈德潛

書理寒石手批世說新語後

張庚

書陳忠裕公年譜後

王希伊

題水西書屋藏書目錄後

沈起元

記昌黎集後

陳祖范

書旁搜集後

韋謙恒

書徐文長集後

沈德潛

書王申文選後

沈德潛

書陳琳檄吳文後

凌廷堪

書權文公郅都論後

袁枚

書蘇文定公申三省請罷青苗狀後

魯九皋

書曾文定公移滄州過闕上殿劄子後

魯九皋

書膠東令君碑後

盛百二

書范文正公手書伯夷頌後

沈德潛

書潘太史送潛菴湯公巡撫江蘇序後

張庚

白書潞河督運圖後

馮應榴

卷七十一 跋

古文尙書疏證跋

杭世駿

宋本禮記正義跋

惠棟

釋名跋

桂馥

鬼谷子跋

盧文弨

荀子跋

錢大昕

感應篇陰騭文跋

羅有高

釋夢英書說文偏旁跋

朱文藻

顧氏音論跋

戴震

朱紹興十八年進士題名記跋

王鳴韶

元至正十年山東鄉試題名記跋

王鳴韶

洪武四年會試錄跋

杭世駿

宋明大禮私議跋

齊召南

建元類聚考跋

錢侗

卷七十二跋

敦煌長史武班碑跋

黃易

郎中鄭固碑跋

吳玉搢

蒼頡廟碑後跋

吳玉搢

孔宙碑陰跋

吳玉搢

鄭季宣碑跋

黃易

漢庶君跋

吳玉搢

范式碑跋

黃易

廬江太守范巨卿碑跋

張塤

晉劉府君墓誌跋

武億

魏故寧朔將軍固州鎮將軍鎮東將軍漁陽太守宜陽

子司馬元興墓誌銘跋

馮敏昌

唐孝敬皇帝睿德碑記跋

武億

武后石淙碑刻跋

李調元

金輪石幢跋

周震榮

大唐故朝議郎行兖州都督府方與縣令上護軍獨孤

府君碑跋

馮敏昌

雲麾將軍李秀殘碑拓本跋

朱文藻

韓昶自爲墓誌銘跋

馮敏昌

卷七十三跋

金承安重刻唐萬歲通天史承節撰後漢大司農鄭公碑跋

阮元

董文敏公御書樓記跋尾

朱筠

羅兩峰登岱詩跋

蔣士銓

鳴秋合籟跋

莊圻

卷七十四跋

欽定西清古鑑跋

梁詩正

御刻顏真卿書朱巨川告身跋

王杰

重刊淳化閣帖跋

錢陳羣

重刻靈飛經拓本跋

吳省欽

重刻淳化閣帖跋

于敏中

石刻鋪敘跋

錢大昕

南宋石經跋

朱文藻

汪退谷瘞鶴銘初稿跋

沈大成

關中金石記跋

洪亮吉

瓦當跋

申兆定

卷七十五 雜著

性命

魯九臯

氣質

魯九臯

道術

張鏞

言公

章學誠

嫁娶

丁杰



自序

汪中

羅兩峰僧伽小影偈

沈大成

自撰古文凡例

袁枚

湖海文傳目錄終

湖海文傳卷一

青浦王 永德甫輯

賦一

聖駕東巡盛京恭謁

祖陵大禮慶成賦謹序

寶光第

乾隆八年秋七月

皇帝時巡於東京祇謁

三陵續舊服也

臣聞之孝經曰昔者明王以孝治天下故得

萬國之歡心以事其先王王者家四海子萬姓民康物阜備

膾咸有所謂馨香無譏慝也我朝肇基遼陽奄有區夏

聖

聖繼承肅將祀事

皇上孝思維則聿繩厥武奉

皇太后而東肇禋迄用有成盼嚮周浹神人洽暢錫類推恩

懽呼雷動仁孝之義備矣微臣窺天測海仰見萬一拜手稽

首爰賦曰

於皇時清

濬哲欽明苞四葉之歲蕤殷

二聖之光靈綿瓜瓞於東土陶復穴而靡寧荷帝耆以啟運

規方輿而作京於是我

世祖乃仗大順揚天聲掃畔奩蕩櫓槍敷皇極以創業拯

蒼顛之頽綱欽若

聖祖離明重宣哀對化洽緝熙心單覲耿光於

列聖識王業之開先溯鍾靈於遼瀋加崇樹於

陵園薦明德以升馨推燕及於皇天仁風所被羣生靡然窮  
髮以北越裳以南陸讐水慄而來賓焉有不享其贊幣者六  
十一年亦越

世宗奉藩底績駕言徂東祭告是飭泊乎踐祚康田功而無  
暇逸者十三年如一日惟我

皇上累熙洽於世業承顯懿於

先德瞻堂構兮依然儼美牆兮髣髴凜陟降以保明永夙夜  
而祇栗者蓋八年於茲矣於是肆觀羣僚廣沛綸音宗伯  
議禮天官協辰敕堪輿使護野兮屬方神以梁津戒飄風以  
清道兮召凍雨而灑塵然後建辰旒結翠蓋曳雲梢張霓旒  
飛九旒走七萃戢駟隱齊沛艾奉

慈寧而御金較發皇輿而策天駟綦綏螭略離虬穆纓綳焱

焱煜煜魚頤而鳥旌兮雲駢華芝之旖旎也總總搏搏雷轟而  
電掣兮千乘萬騎之雄詭也排闥闔而啟行兮挹雲山於縹緲  
陟高衍之崿嶮兮超紆譎之浩淼望舒夾轂而飛光兮羲和迴  
鞭而流杲水后傳警而躑躅兮山靈稱蹕而窈窕白虎右踞而  
軒轡兮青龍左旋而天矯夔魑潛形於黠黠兮猶狂聞聲而蹶  
倒於是總六校用三驅橫千將仗鉞錯轡烏號發天弧妙更羸  
踰蒲且振雄虺掃封狐跨野馬踰距虛格奔兕帶飛鼉闐雲羅  
震地廬淫淫裔裔轆轤輻指顧倏忽屬車充盈解罟開網振  
旅天行威讐荒徼稜嶭王庭旃裘離結之長稽首稱藩獻琛執  
贄來享王於塞下者蓋數萬以迎然後躡邊月御朔風緣林薄  
被蒙茸渡析木而徂箕尾兮駢結轡乎天東瞻高山而履夷行  
兮緬荒作之神功爾迺長白崔嵬巫閭龍嵒欲歆鵲綠磅礴混

同滙以天池之奇巨以地軸之靈蟠以螭龍之窟拏以虎豹  
之局及乎烟雲卷舒揮霍出沒暨於陽開倏爾陰閉風雨之  
所和會日月之所旁魄雷霆之所鼓盪星斗之所伾伾霞駭  
波沕蒙合霧集蔥蔥然鬱鬱然擁

帝陵而孔固挾王氣以成霽於是大丙弭節六軍銜枚鴈班  
匍伏雉尾中開 乾情顧矚而愉怡禮官奉御而徘徊屯虹  
旃於輦路排仙仗於瑤階重闔寥廓以櫛密茂樹蓊鬱而氣  
佳乃搜述索偶序賢擇能相與澡心滌慮澄神斂精返聰明  
於蠖濩之室清徒驥於錙壇之宮靡薶荔以爲席兮吸瓊芳  
之露英侔神明以爲資兮契元符於杳冥迺詣  
永陵開運穹崇包孕元氣吐納鴻濛有郊館荒度之基焉迺  
詣

福陵天柱翠沓跨躡白貆橫被六合有收陽式廓之規焉迺

詣

昭陵閔宮雲竦隆業居尊蒲蓮星拱右豐垣攸同之治焉作  
求世德來許昭茲元祀惟稱百禮孔時摩葩瑤奉洪頤錯白  
茅班黃彝潔菹醢修明粢割五牲效三犧上卿贊采太史誦  
詩庶官獻幣六祝陳辭揚戡定之赫奕兮溯謨烈之燕詒  
天子穆穆以醴假兮顯相駿奔而宗祈爾乃尙氣尙臭於陰  
於陽德產畢致神保是皇進觥醪之圭瓊和甘淡之秬鬯嘉  
栗無違普淖斯饗芟芬芳融樵蒸焜上開輝升兮標訛煮蒿  
感兮悽愴於是我

皇上遊神於漠合氣於幽心存色授目憑形畱流水汨汨崇  
山鬱鬱禹甸昉昉周原膺膺此我



列祖之所開疆而拓土也築室翼廟之極軒黃熊墟

帝陶邑此我列祖之所正方面肇域也琬璧氏球訓河圖斑陸上光

越璠璣此我列祖之所闡珍而握符也黼純席几繪繡纈紛精曜華燭如

生如存此我列祖之所衣德而紹聞也環顧百僚濟濟踴蹌東殲西劉左

右奉璋此我列祖之所譽髦而思皇也睠言萬姓林林總總耕水耨火助

我粢盛此我列祖之所惠懋而牧甯也精屬屬以往來思勿勿以微探耳

返聽於閭寂兮忽懷乎其聞歎目收精於廣莫兮羌優乎其

有見洞廣開兮帝闡紛其乘兮白雲靈皇皇兮來歆吐瑞氣  
兮氤氲儼暗藹兮褊褊股靈風兮冲天垂太清兮降監委繁  
祉兮如山於是皇儀暨孝思展羣歡洽式穀戩報地靈所  
自鍾遡天潢所由演懷柔神祇望秩山川諸侯三公所視維  
虔標燎燦燦煬上致高烟碩麟含輝黃龍吐炎五精歆馨而顧  
德四靈效順而攸安迺蒞盛京雲護日邊九市開場萬家起  
烟居靡近遠人無後先黃童奔走白叟往還一女頒祇衣冠  
聯翩莫不動容發聲引領駢肩詠盛德而獻讜言歌曰  
帝之來兮雲飛誕我祀兮聿歸望龍旂兮徘徊懷吾人兮觀  
德輝

天顏咫尺兮其不違

天子顧而嘻曰咨爾父老兮殷予相望永無疆  
惟梓與

桑子其夙夜兮恒勤思於平康迺鳴和鈴遵通衢敞華闕啟  
宸居有嚴崇政有翼篤恭左宣文德右昭武功關雝麟趾永  
奠清寧閣開翔鳳時乘御龍謠謠周親濟濟臣功趨丹陛  
而近日伏玉墀以呼嵩爾乃鼗鼓殷雷華鐘發鯨孤竹間奏  
空桑和鳴列八佾抗五聲盡六變齊九成韶武隱麟鈞天鏗  
鉤櫜侏毘離并附雲英氣盛化神旣和且平於是命膳夫開  
瓊筵御嘉珍窮芳鮮沛宮父老把酒極驩南陽故舊載笑載  
言於焉歌豳稼穡艱難躋堂稱觥萬壽祝焉於焉歌雅泉原  
庶繁酌匏執豕君宗頌焉當斯時也雲輿魏兮雨滂沛恩鴻  
溶兮澤汪濊綸綍頒兮車書會謳吟同兮雷聲磕屹聒乎  
寰中馭沓乎闕外羣臣醉德揖讓而退  
皇上觀衆庶之說豫覽福應之繁昌仰維鴻烈雍容揄揚

控天地以選義綜古今以成章萃人文以化成麗景緯而道光暢皇風於億載被金石而流長文德旣昭武節是宣選徒大閱戎經申嚴赤羽日臨白羽月懸戈鋌星羅鎧甲霜寒次和樹表牙旗高褰鷹揚陳鉦虎虓張卷浸淫釐部陣勢蹁跹鵝鵠魚麗箕翼鮮扁變出奇正體合方圓山苞川流地吸天旋然後收軍會眾翼翼綿綿若雷收風舉翕赫乎數百里之間時則黑精司正律中應鐘虹藏凍地日次尾中萬乘迴薄千官扈從仰瞻雄關嶢峣崢嶸俯臨滄海烟恬波平扶桑隱映炙轂上征巨靈竄竄冠山而興神龜翕忽負圖而迎返旆揚鑣還我神京假於太廟告厥成功臨軒穆穆問寢雝雝可不謂元德之盛而至治之隆乎而

聖主猶昧旦丕顯夕惕朝乾飛聰馳明兼聽並觀撫茲兆庶  
祖宗之臣念茲釋茲衣食之源黃壤白墳何以奠之插雲渠  
雨何以勸之祈禱禳災何以先之流火授衣何以瞻之惟小  
人之所依思無逸之所歎審天聽之在卑知配命之維艱是  
以明德慎罰宥災除青常畏民生之傷也取財用物賦政任  
役常懼民事之荒也匹夫匹婦不獲自盡若已納之於隍迨  
至陶甄無遺雍熙有象老有所終幼有所長窮有所歸廢有  
所養風協五日雨依一旬牧人夢魚桑女聽禽曾孫之醴洽  
祖農夫之鼓御神京師之錢貫朽太倉之粟因陳守閭閻者  
食梁肉爲民事者長子孫家滌瑕穢之俗人生廉恥之心上  
絕奇麗而不御下抱元化以含淳我

皇上於是泊乎無爲愷乎樂康譜虞絃於揮桐聽堯仁於擊

壤講德於昇平之圃登功於穆清之堂問道於崢嶸之上考  
治於汾水之陽使君子小人奕世無疆賢賢親親樂樂利利  
咏歌前王於不忘者如水奔海如雲從龍如風偃草如網繫  
綱此真所謂我

皇上合萬國之歡心以事

先王也若夫登封太山降禪梁父徒篆功而紀瑞無關敬親  
與尊祖由今揆之亦猶棘林螢耀而與夫尋木龍燭也復安  
可以語哉臣忝預載筆之末推本孝治奉揚仁聲敢敷陳其  
事而美盛德之形容頌曰

天作高山啟王會兮

列聖篤生信厥對兮光靈在天齊旭卉兮惟日再中司厥契  
兮聿邇來孝承大禧兮民力普存融芬懿兮神其攸歆駢獻

瑞兮仁恩滂洋渾中外兮垂衣端拱武則大兮明良賡展熙  
帝載兮一人有慶兆民賴兮

聖子神孫麗萬世兮

聖駕祇謁

泰陵西幸五臺山恭賦

劉星煒

粵若重光之歲

聖母皇太后七旬萬壽介純禧闡靈繹迓鴻祐環瀛之內罔  
不悅穆企踵恐後先是回部以蕩平告狼荒烏澣混一尉候  
隸於職方臾區不能算章亥不能遙焉地符旣升元象迭奏  
攝提貞於孟陬日在元正二曜貞明五緯宿留煥乎若懸藜  
垂棘駢雙轂而燐燁燁兮若明月夜光貫百琲而聯附也遐  
稽瑞牒高陽氏以降鮮或邁之覃精極崇於我聖朝星紀

載周殊祥送邁百昌之瑞輳萬國之驩聚

皇上爰以仲春之月恭迓

慈輦祇謁

泰陵順軌所詣幸於五臺是舉也祝 愛景之舒長緝 丹

陵之眷佑感驚嶺之棟通眷冀方之純赫德施普祈報昭典  
禮具矣時有東吳客卿言於三晉大夫曰蓋聞王者法上元  
以布化順黎庶以求寧寧化旣浹爰周泰平建昔

皇上之南巡也恩覃淵潛澤洽爰行吳嶽聳其崑崙海汜鏡  
其潭深賜秩徧乎纓綬貨粟隆乎坻京齟齬鮐背魚頰鳥

哦 屬車之戾止邁五稔而於今矣大功耆定諸福畢致

皇上歸善 前寧祇修肆祀左言君長飢屬陪位圓靈彩耀

總齊景瑞吳閭之民欣奉 明詔彳亍以俟茲乃 命臺吏



戒前途建元戈張威弧揚青旗於井域降翠葆於參墟  
母迺紆句吳之喁望選於越之謳飮乎矧今者鼎錄綿延  
國慶舄奕星明龍角瑞應南極宜卽朱方以彰靈契言未旣  
三晉大夫有睟其容冰衿而哂曰陋哉客之所聞奈何以俗  
士之拘墟而妄測

聖皇之緯繡哉大駕之展輪於雁門也非謂江介之湫湄  
陞於河冀之廣廓淮南之靡麗侈於唐魏之樸藪也

皇上環九隩而光宅恢八紘以論都固將奉彤闈於南紀  
沛淥澤於東吳宛宛淮濱古爲具區大雨時行泛於洪湖竹  
落金堤夙稟

聖謨方庀材於禹績旋厯念於堯吁開白藏而議賑  
詔掌庾而蠲租猶慮翠華戾止民或怠於東作目眩於日

華雲錦之眠瞭勤分於牙檣綵笮之輓輸疇咨守臣勿倚勿  
儲矧夫太原之域函夏所疆肆燕之右睎洛之陽西控孟門  
伊闕文命所達中貫洪河以王百谷下朝樽桑上應析木東  
則底柱析城至於王屋發祉崇垓太行是藟襟四塞而控五  
原帶黃流而接恒嶽箴蟋蟀於風詩現青蓮於乾竺伊耆卽  
宅文殊托宿陸海所蟠初地焉屬昔豫遊於此都嘉閼淳  
之匪斲化人於焉示應景命於焉禔福是以迴祥習於司南  
而宿星陳於代北也日在降婁律紀少陽元鳥司分天旗啟  
明三辰邳偁四騏騰驤球畢雪灑翕箕舒張撞夾鐘之鏗鯨  
暢岑華之流簣遂道玉河度蘆溝厯涿易狂珠邱房山轆  
轤於臺標荆關博敞於巖幽龍虎蜚螭而燎燭日月藻朗而  
環扶乃啟

大安遵 皇衢 璠闥駟玉虬 思文之駿烈 續下

武之鴻休 寶鼎敲雪 滿蕭燭幽部 泰明盜齒 暨和羞宛 馬弭鬚  
於璠闥 闔壁含酌 於黃流 皇旄舞 萬歲之字 天子奏七始  
之謳 洪惟我朝

聖

聖相繼 荷天之庥 如川方至 汭卷領與結繩 前載莫之能記 懿  
王母之介福 暨景員之錫類 惟世德之作求 遂於鑠乎萬禩  
皇上崇孝感 隆禋祀 清廟時薦 寢園歲莅 肅拜俛申 優  
愷宣光 攄誠受釐 錫羨其來 有自大禮 旣浹時巡 載舉遂乃  
登禮賢之崇臺 訪毓聖之靈宇 拂雪浪之錦石 挹蓮池之清  
渚 浮淖沲臨廣武 鹿泉裊窈而周游 井陘嶢岼而飛步 賡射  
虎之平川 契神武於

皇祖是時未至於五臺也經涂所歷黃薊剡剡翠毯芊芊桃  
舒丹蒨柳菴綠天桑牙針簇桐乳星懸隄塍列漈池脈連  
秉穗棲畝儲穡盈厖腴腴垌牧鱗鱗茨椽士女佇貽商賈駢  
闐接裳連襪聒於語言躋帷宮而蛾伏祝寶厯於萬年  
景彼珍臺去天一尺雲紺雪於皇初燃神燈於太始奠五聖  
之高居環四陲而平坻中臺之頂上有華池二里九曲注壑  
漸坻陰陽藉以吐納龍象據以躡蹠率堵對峙花龕四垂露  
凝修掌地湧神芝東臨伽羅以睎渤澥飛沫起濤登降陽采  
瑤姬金母海屋斯在耽耽北臺蒼窟是崇上欲天井下歎龍  
宮帝車中央旭卉周通西則菅藂岬崎祕魔之府豹子熊  
頭化城十五八功德水飲之益壽南臺崩巒神狔所居餘方  
蓬之聖跡紵銅鑲於舳艫鰲六星之炳耀亘萬嗣而不渝若

夫菴謁檀林煒煌金地踰谷彌峯七十有二天華蔭翬并水  
叢麗栢亞走於宸遊泉趵突於雲被交光孕色含幽育粹  
面動牖而豐融星毫披眉而參纒黃輝紫氣雲屬波委此版  
以鞏衛於神樞而汁協乎靈時也我

皇迺陟璿霄升寶陞凌盤陀紆仄徑詣顯通佇昭應考睇澤  
之雕鐘搏浮瀛之羽磬禮古佛於恒沙證壽人之上乘星幢  
拂曙罕羽排空移輪月殿刻鏡花宮慧燈籠炬繡嶺呼嵩恒  
春絢碧不夜舒紅猥香臺之銀鵠婉華蓋於珠虹頻伽鵝儀  
於扇羽曼陀灑潤於旂龍慶仰止於

慈豫瞻睟穆於孔容蓋以禽天休之保定而祝泰媼之延  
洪也於是坐布政之宮闕巡方之館升河汾之孝秀進雲代  
之魁健戒良士以無荒仿唐風之節儉遂乃賚九扈咨四岳

別幽明躬陟黜壹軌量同衡律恤矜寡息老物飭桑虞安井  
牧省菑畚補不足然後宴羣后振鳴珂餐元氣飲太和昭曉  
匝洽毗庶驩歌詠康哉於茅茨頌卷者於邱阿六飛迴轅  
雷電隱鱗鉤陳司警臯搖抗旌止頓乎飛放之泊揚旌平燕  
趙之垆蓋海接爐畫鵠連軸辟獨繭解全牯張網陸御增繳  
周北際與南垂猶射魚於井谷川禽畢羅水鳥咸獲螺贏鱉  
魴鱗甲山積巴歌飮唱權謳畢發所以調蘭膳之上腴而  
奉璿闕之嘉樂也且夫天子之制東龍西虎雲車月轡四  
極四和惟駕所蒞豈規規於勾吳之被其庥于越之霑其  
漑乎東吳客卿旣聞斯語離次降階神心形茹曰蒙誠翽忽  
罔知

帝者之上儀與天地闊聆大夫之言揭兮如日敢敝匪頌以

場 高厚於萬一其辭曰維

維 皇緝熙吉歲卜征江湖海壤佇於清塵百族殷賑偏隅弗獲

帝曰咨往哺以粟用戒 俞騎改歲南行匪予伊後圖爾謐

寧祇肅 穆清夤威 寶命於昭 橋山萬年有永迺蠲吉

月迺撰靈辰載奉 珠軒潔齊升禋 戔戔清涼世尊示應神

綬自西千里而近班麟雲從玉獸星馳展謁芻摩祇答蕃釐

惟天錫祉踰三越五於萬斯年有秩斯祐

駕幸熱河賦

謹序

劉星煒

臣謹言 臣遐稽前載青林爲天苑司馬遷八書紀昂畢爲天

街主弋獵明王者省方表貉必有置頓之所以詰戎肄武古

稱梁騶詩詠甫草其義一揆然皆近在邇陋旬綬以外卽甌

脫置之豈如我朝

聖

聖相繼高昌大食悉隸司民之版其視興中舊壤子姪以來  
不載於職方者特爲京師綴旒

皇上歲以秋七月獮禽於木蘭卽離宮而止蹕焉

慈寧燕譽之歡洽藩國輯瑞之典行臣工述職之事備皇哉  
帝者之上儀已臣惟遑昔都會之地其臣多形爲賦頌鋪張  
盛軌然相如賦上林地不踰長安尺寸而盛稱蒼梧西極不  
已臣恩乎臣嘗從屬車快觀景鑠今年職當隨扈緣奉使未  
果而心儀上蘭之巨麗典文之該洽不揣褊昧摛詞以獻義  
取摭實無敢溢美曰

於廓輿柯涉尾厯箕跨躡漢津浩乎躡通之維鴻濛焉莽賈



焉實爲奧區皇達喻關闔越禁垣不十舍有奇殆又近之是曰  
密都違者弗卽宅殆尠有汁於員祇言眷

叡聖爲我獻貽爾其地勢則畱幹亘其南臨潢枕其朔大柳東  
屹聚桑西瀾巖昵塞之林林儼陪京之嶽嶽盧敖之所跼蹐暨  
亥之所揚摧其山則崑峯直上取象罄鍾作鎮左方玉以振之  
觚稜闕景若華銜暉翼以金黑纏連牙峙元鑒侔色浮玉庾理  
應真結跏而敷坐毘盧峩冠而聳翠天橋獅子雲蹲波詭蜀或  
一拳繹則五指石梁干仞蹕路所經爰躋嶠嶺轅於廣仁昔  
也棧嶺今也砥平亦有鄂博莫之敢指量弊揭虔方望所視其  
餘七金千佛之差峩偏槍德勝之隱嶙垂螺丸之窟窿茁芝房  
之菌蠢爲宮爲霍連蹕獻狀者非摩醯算固所能盡水則溫泉  
瀦溢勃蒸丹砂濫觴墨黑瀉漚熱河經碭基厯周阿流湯湯浮

峩峩翼鵠鵠介屬螺角菱芡攢蔣莎宣靈液滋醇和又有伊邇  
九派汎泉盈缶用配於京劑以銀斗康王揚子揣稱與偶考水  
志於酈亭醜灤河之分道紛武列與紫頭羌同源而殊號白狼  
參柳鮑邱丹花玉瀑飛流敖漢所家曰孟廣礪霧靈際蟠行地  
則伏遇坎成科侈博頰之行斥澮川氣之流氤鬢羊腸之詰屈  
鬱龍湫之滯滌埒神委於通瀆方河濁而沛清其植物則耽耽  
元蔭蒼官五鬣或爲杉身凜秋脫葉人楓仙檜徐榆鱗接桑牙  
籊籊柘枝拮拾匹以構櫺蠶功用給鵲樺則烏號之用椶櫚則  
魚網之設芙蕖暑豔落英晚芳棧桂臯途蕙蘭澧湘灼金蓮花  
產自清涼與北天竺同皈佛香秋英九種粉本徐黃蔓菁寒蔬  
草荔果房巨如棗實綠則瓜瓢舉一彙百縷覲詳若夫答還  
巴欖普盤櫻額烏沙爾器奇石密食雖嵇含之興衍張華之該

洽會數典而如寐矧拘方於遠蹠其動物則剛鬣不阜驍駟  
服阜盤羊封牛貔狸票狡犢特谷量豸豸豸擾颺颺紫英飛  
狐犒縞有堪達罕其角斯趙鞅材孔良象齒非寶羽類則鶴  
子南飛雁王北向候燕春翔元鷹秋颺晨鳧天雀翡翠異狀  
野雞火雞修紳員吭徵瑞紀於鷄鳩尉候徹其亭鄣鱗則濡  
河之鯽芼以山膚有簪漠鮮狀似松江之鱸杯綠柳根潑刺  
乎清渠食經是殫實繁有徒繁惟演天根綿地絡苞葢貊紉  
白沃剌令支昭昧谷纒九野之飛征鏡萬靈之旁魄昔陶唐  
氏有此冀方遂克經蒙谷委羽而疆以戎索禹相九土窮髮  
爰宅駮重趺而弗之遺神皐於大莫繁白檀與柳城悝地志  
之躡駮楹烏桓於交閭擗鮮卑爲蕃落降自元魏甘松荒度  
中京肇於耶律厯金元而式廓慨勝朝之迫脅造草昧而厯

作委三衛於鳴鏑曾挈餅之弗若天佑

世祖鋤欃槍掃荒屯襲嶮介考廣輪屆淳碣駐廬城俯八紘  
協四巡用授我

仁皇遂闢靈囿而恢景員夫何肇縣野爲堂皇兮吞虛池嘔夷  
而罔有芥蒂也掛天弓於納哈里之崆峒嶮嶮兮飛鏃飲羽  
而軼其背也準紫宮而營室兮標景六六而未有艾也歲幸  
上蘭闕如是燿詐馬頭鵝犀毗寶匱兜離名王搏頰排籤絲  
續比筒鯢齒養恬坵租塲租貢與丁男關不譏征農貫算錢  
規北垠而納不周之風者六十有一年維時 文孫之繼  
聖已司契乎昊乾遂乃闢松館爲東序而毓德焉  
憲考勤恁省方匪暇洪惟我

皇亭育函夏稽虞嚴圻周雅憲紫陬辨方野優 靈衣之月

出儼

神御之式憑度九筵於

重屋時宰堵而按層單墀

垣之潔秘燿舊額於紀恩言奉

慈豫非雕非斲六膳旨羞九韶郁穆山齋清聽松吟鶴啄於  
前則峇闕登閼麗正當陽德滙碧峯高門有閼金螭圻分濟  
濟朝堂虎威章清微道周防澹泊敬誠制撫未央迺御勤  
政萬幾勿康然夜亮之貞木朱丹炳乎報章左則堤沙渾之  
宛宛兮隄石林以相屬構清舒靜好之闔闔兮架樂成之飛  
閣澄湖穿繚垣而東注兮聳芝英之綠縵藏三洲之象方蓬  
兮彙星源于巖瀑寶坊揭其業業兮長虹宛而電爝右則峩  
九雉之垣蕩兮黃緣入於西峪松榛梨樹莽蓊以被岡兮堂  
秀起而創得靄玉岑之精舍兮滄浪翼然而懸出於後菴石  
壁之嶠岑兮敝樊桐於畫幅兀孤亭之凌大虛兮枕雙高之

了角內則屠廡奧窔青瑣對廊山心水心蘋香滿香籠嵐氣  
于疎寮約雲容于紀堂宦光寒山雪屢移摩詰輞川圖莫詳  
別有徧金布埭萬樹之西二廡入坊考牧於斯畫舫青雀沙  
棠改爲秋宵泛月安壚似之若夫檀林驚雲魚鯨互答  
普甯安遠周廊八入摩耶都綱仿固爾札員渠降人隨瞻步  
踏曬犀函之七屬讐神武而不殺復有清都太微列僊之  
庭桂棟蘭橈用醑湖靈斯固剗截辭而架厂順淳泓而爲壑  
較蒿宮爲已倍視青陽總章而猶朴

皇帝乃順金行之擎斂乘萬物之權輿屬方神敕林虞樹元  
戈張唐弧載鳴鳶駟駒駘揭旌夏建祀姑簡皇寮選蒸徒挺  
綏離序轡轡驢祥風葦輪秋雨洗車首頓順州爰止庠奚  
載見羣吏民言是咨我弑古北夷庚天路巽間洞啟屯營密

布桓桓禁旅班文孔武翹關折射十千其侶朱提忭戴清醪  
酣醕爾乃厯雕窠之峻嶒轆鞍匠之豐彤越上陞之劣崩梁  
墨蚪之嶮嶢鵠訾黃于陞道盤十八而不可窮維時釣耆鰈  
得大祿岑陬之君鄂畚槎耐蘇對沙那之臣衣臍眊冠哈那  
鐐耳梟瞞左言孔殷乍怡歷而發猓旋顛顛而隄仁蜷區陬  
而蛾伏咸擁篲而掃塵景十華兮如日睎六提兮如雲  
皇帝止輦此焉清暑奉金根於詰旦道湯山兮是取冀止  
頓之少紆慶

慈徽之多念

璇闥靚深而攸芋喜婪熱之退舍申命大

僚班見羣吏求賢審官厥庸孔肆

申命藩衛慎簡介士廣

場并夾羣力是試

申命納言閣郵無滯銀毫批答中宵七

起然猶矢遊歌於有卷俄千詩而百賦遑遑八伯技窮于賡

載二王腕脫于毫素矣仲秋之月觜觿旦中老人見於弧南  
占曰壽昌萬寶屢豐禪王大長賀

聖節者重九譯而道通先期浹日 詔駕行啟龍樓陳曼延  
集振優舞折盤嘈飲謳騰躩踞蟠蛇鰲翩躚躚鳴秋秋千品  
授饗八珍和羞尚方賚其珂玳瀛海溢其觥籌逮旬有三日  
夜未啟明

皇帝齎玉輅于東廂企 葆鸞鳴儀鎧肅拜頰裕 壽康然  
後設九賓 御行殿張赤奕戎會弁郎將侍司儀辨繁露垂  
綉花綯鞞轡任休執其壤奠地萬以二數猶有羨爾迺金鸞  
告中露白葦蒼龍沙戒寒雁磧早霜伊尼孳尾撲握臍膚四  
十九旗獻其虎軀短衣控弦爲王前驅迺千有二百人心雄  
萬夫



天子乃戒騎徹亭堠倚飛雲綏華覆大駕幸平木蘭憺  
稜威而奉辰牡緬夫木蘭之爲地也礎乎駸駸劣兮岌岌滌  
兮凝熒嵌兮曲岬徑輪數百袤廣倍十曩北庭之圻牧嗣納  
土而從獵樹柳條於四隅扼厓口於一髮伊綿尊會極之義  
巴顏麥富秋之獲興安大嶺嵩華旅指僧機雙松夷齊卓立  
色勒朱蘭河源是翕龍堆象長城之蜿蟺實非羸秦之郭郭  
爾迺赳赳飛向晨陟嶮箕張翼舒鵠飛鸛從和門大張幔  
城正中絡以網絲綸連鴻罍建吉爾丹樹羽童童有正有鑲  
八旗會同

皇御鞬橐千官扈駕乍舉旗而弊旗職二甄之雅雅慮原獸  
之未集駐平岡而勒馬然後毛羣羽羣山敦雲移躡景望塵  
別驚分岐角完抵拖豪豬血塵麋絹獬狽狽援瓜狸狐鋌

熊羆縱鵑蘇林麓爲蛛蝥垓埏爲周法封駝就于重載貳轄  
隘于專車則有驚獸殺蟲隅睚高目歐紆負嶠耽耽逐逐攘  
臂晉婦袒裼鄭叔履尾恐啞戟手氣縮天戈一揮書焉中  
腹抱其花神鎗草間蛾伏若夫游鷗高翬兔聯猿臂蒼走  
黃出其希間墜若雨灑殭若土委羣聚而殲旃至於妙簡期  
門侵星由鹿衣獺裘之瑤璫步牝湫之叢薄鳴長哨兮呦呦  
戴八义兮蠹蠹見岱爾蒙古謂北鹿之竭來闐然觀其殼觫倏星  
杓之命中貫左臙而抱木俊味登於大庖令典垂爲國俗讀  
前後賦之所臚平子太冲猶忍於厮僕爾其喀爾科爾右賢  
左賢扈從禽隨于田飲醇醲咸鬯宣感渥恩列肆筵張樂顯  
天之臺銀宇流晶穹廬蓋天烏螺翠椀桐乳割鮮只孫式榜  
士鼓皮絃撲趺拏棋教駢騰翮撞末之技回人擅焉其鵠師

赤迅於飛鳶遂乃紆華旃 御行幄醞羶薌厭潼酪卻乘黃  
茲白珥旌鼉封之貢頒麇麇獾羆獬豸之獲介特左肩  
銀縷右簾越穀齊紉津逮圉牧而後回車隆隆振振鞬鞬戈  
甲續紛駟屬而還凡此者所以芟廣甸之灌叢奉 色養之  
怡愉示纘 武之令聞裕邊戎之遠圖而非以射中獲多謂  
可奮太武而威逖邇也山莊密咫秋省烏可以已哉且其監  
司丞倅府署基置統軍將弁扞城列峙則設官之準乎內地  
也堤塹相輻赤壤黃壚上熟自倍春穰秋稔則代田之蔚爲  
上腴也富中之氓九市帶鬻羶羶組文影纓駢轂則財求之  
達乎四隩也閭閻櫛比耕牧永安則唐魏之戒乎遊盤沃饒  
近鹽采山擊鮮則青兗之驚乎魚鹽不特此也往者西傾經武  
昂吉欵關四衛發面覓于塞垣遂康成功犁伊犁獲其大醜於

拔達克山至今達什達瓦連襪闌荷戈鋌而爲臣僕者殷  
騎莫之或先則是山莊爽塏降人是居宅邑畋田供其租銖  
藁街之邸莫能及朔方之域無以如又何朱波驃甸之不可  
蔓華使之羈轡驅之也哉

駕幸京口三山賦

劉星煒

於顯斗墟蔚爲岷江浮羣玉於朱方表巖闕於南邦  
而爲三納鯨呿而疊雙襟吳楚之嶮介滙潮夕爲擊撞我  
皇乃建珠旗束綢杠御安艫駕飛艫蕩四溟拓八窗登神  
山之峩峩俯通瀆之淙淙爾其山鳥竦峙大江中分下臨無  
地仰矗梢雲闢幽崖於北府聳古戍于西津吸蒼景以內照  
鼓殷雷而上聞固眞靈之窟宅含元氣之烟熅觀夫北固之  
爲山也天目流乳句曲分支月潭倒影柳溪四垂很石獬伏

鐵鑊瀾微沙侵碣岸水沒苔磯池平樹古颿起泉飛走馬跳  
珠而成澗跨鼇臨闕而敞扉若乃下瀛舊基獲符故壘玉柱  
宵浮金精夜徙火珠浴日而騰空相輪連雲而倒水撐礪石  
之盤陀揭觶山之岷嶼其中則有妙高嶙峋中冷清泚入江  
百尋去天尺咫曉堂龍出而電烜夜渚豚翻而風駛此則金  
山之崑崙鏡海門而孤跼迨夫維長綯挂帆席越漩流經舫  
石入松寥之神山尋海雲之佛國探獅子之靈蹤訪沙戶之  
遺蹟青玉作塢而甌欹碧桃爲灣而徑仄竹篠松釵濤聲嶽  
色棧聳梯盤巖轟霹靂下瘞胎禽上摩健翮斯又焦先之隱  
居永寥軼乎塵陌者也合觀其形勢則磊落奇拔輪囷崢嶸  
雲根蚪結督脈縱橫障百川而東注揖九派於西傾日月蔽  
虧風雨迴伏山裏寺而逾幽寺裏山而非緜遠而望之晶晶

晶晶層臺三成若岱輿之浮嶠出玉京也迫而察之嶽嶽觥觥碧紺朱明若天台之霞起接赤城也其靈根鬱律猥積崎嶇則赤斧昌容羨門安期之所居其水府崛詭瀕洞瀾濤則奇相海若穹龜長魚之所宅遂乃高閣神行精廬盤互江天慧禪宅心甘露多景層樓迴瀾古渡蘇米爰遊孫劉曾住竹院漚亭星羅霞布橫嶺成梁神亭無柱鰓井不波鶻峯少樹海作堂皇天開桂栢拱惟

皇祖四巡景員導河濟江惟義所宣 睿藻璇題于山于川  
懿我

皇之紹衣奉 珠蠙而遊焉于時天融素練風靜修柯纖塵不動綿羽相和八神傳警萬靈不譁龍艘啟途鳳舳汎波千品萬官後舞前歌觀夫禁扁星懸豐碑屹起維玉及瑤

聖謨佑啟景 神堯之孝德貽駿烈于南軌爾乃寶掌蓮開  
鐘魚響答禮大士之燈龕掃頭陀之梵塔祝萬年之綺甲慶  
五緯而相叶則有江魚白白竹筍青青絲絲柳翠點點桃猩  
葯闌釣渚岫嶼巖局用以調法饌之芳腴奉

慈豫之芋甯更有飛雲蓋海蜀艇越舫犀渠七札魚甲萬重  
射潮强弩沒羽唐弓鮡鰓拍浮茶火耀空羽旄揚旌鸛列鸞  
風所以陳師按屯燁威稜而詰兵戎也至若雀舫千艘羊燈  
萬炷金繭玉蛾銀花琪樹張水嬉於顥天之臺陳火戲於闐  
風之宇則以勃律于闐之壤纏帽鏐耳之徒越二萬里而來  
王載之後車俾之豔韞韞之軍容震簫籥之權飲炫魚龍之  
妙技飫魚鱸之行厨也豈以是爲靡曼窈窕習耳目之娛哉  
爰乃下 明詔諭羣列撤曼衍捐燕設嘉山靈之樸屬但簪

灑而可悅其勿侈於金艘雖成事而更說慮大江以南儲侍  
是營而東作或輟也惟是樂民俗之含和慶天宇之時暘覲  
簇薄之春蠶驗栖畝之餘糧慰山氣之夕佳信海波之不揚  
然後酌汎醴烹靈液剔薜斑賦畫壁拊玉帶之琳腴辨古鼎  
之婉孌翻義獻之經幢撫華陽之銘石賁三詔之幽局弔四  
雄之遺蹟奎章藻朗于丹楹龍文震蕩於靈魄將以絢  
鴻筆於貞珉紹殊徽於玉策

哨鹿賦

朱筠

皇帝法大赤之健體順白藏之清時命晉鼓植虞旗遵乎周  
原漢京之地高山大風顧睠思惟所以教坐作進退徐疾之  
節欣然再三而稱夫哨鹿之事也夫以蟋蟀無康之士東山  
思勞之婦有伊耆之遺風爲仲尼之所取而況乎



聖人哦日月而鐫難窮山川而掃遠風者哉於時天地中  
間屏恬隆驟倏眴踟躕各職先後僉曰

皇獲鹿蹌矣驥矣

皇作賦賈矣琅矣

皇之萌莫不懲安于酖而作氣於闔矣言觀其旂旣食其德  
用樂其時載賦其態方夫嶄崑千山欒峩萬木天霜栗烈以  
凍空夜雲黝黹而藏目人行則墮葉琅玕哨吹則犇蹏躑躅  
乍駭于叮嚙之場似慕于簪屨之屬爾其環角外向分背中  
呼睛注萃而邇迫顙戴玉而趨趨呦求友而速跡閃億敵以  
走喻若乃屏息劉莅獨騎龍窠獻月送明谷籟候登仡神取  
而聲授闔枝脩而捻踊紛難得於百一走寶貴而愈重所以  
皇克禹勤天錫湯勇蓋欲昭天下以金闕玉英之聖人其以

勞自董也如是夫固踳蹶乎三驅而從從一面而容容者也  
爰有石戶之農麥邱之老仰而歌曰石壁未明月朏眇兮舜  
與鹿游日月抱兮匪日之出我  
皇之明歟兮又歌曰農中巖兮老中隲兮昔

皇帝來狩今

皇帝來狩匪鹿之好曰孝道兮于是黃伯烏獲之倫腰芙蓉  
之金鉞首鷄鸚之朱冠相和而歌鐃吹之篇曰我

皇神武飛天龍手摩玉劍弓朱彤大白小白法

太宗獨騎赤汗踏嚴冬雞詔鼙鼓搥藂藂空山

帝到神靈從麒麟先路師子蹤白鹿仙騎行躡躡金哨呼夜  
鳴雝雝圍以正取哨奇攻如吹鳳凰雌雄筒與伏鹿鹿文王  
同呼聲動天

帝還宮瞰東方出扶桑紅乃有陽乘執研雄固操觚幡然而進贊曰美矣哉

天子之爲此樂無央也其始發也閃睒兮燭龍張舌裂眦出燭光日珠月珪兮星琳瑯其少淮也窅窅兮聞不見人若濛汜沸波而腹太陽其類召而輳也伾伾林林甡甡踳踳千秋之頽葉而化黃金兮踳其上而不僵其得壽而可憲也若白鳥通於聲青鳥忘于機兮嶷嶷兮百靈輸其福祥雖高誌與翳經羌瑰琦而芴芒固至神之馭物感盡性乎我

皇然後上魁下能左師右傅拜手稽首而頌曰於鑠皇清得鹿以義先王講武非從禽是戲獸有圃草職於虞司秋肅冬結皇帝有事古田法圍哨備今制呦呦濯濯咸樂

帝意在周卜鴈大獲師至文侯出虞示信于魏曰師予

祖德信乎民志文慎不武安慎不忘惟子孫無極敢告萬世

後哨鹿賦

朱筠

客有問於大夫曰蓋聞陶唐坐衢室而麋身來宮有虞氏恭  
已阿閣而鹿游於山暨乎周興小雅大雅繼之而傳故固咏  
濯濯之儕野歌呦呦之羣夫聖人者有其德矣而諸福之物  
協符膏瑞其來員員方其盛也不東而蒼鰲連蜷以上旌不  
西而素鱗婉僊以下驂未嘗行乎南朔而朱鳳翻地角元螭  
歟天門也是以神不疲而物莫不與智不煩而物莫不存力  
不勞而物莫不安今且將冒玉體而輟霜霧他金與而攀巔  
阮懍懍墮螭躬親其中以與羽林壁壘之士進說哨鹿之事  
以爲歡竊謂非聞都吁于伊嬀陳保定于典章者哉大夫曰  
噫若客之說所謂執秋蕪而議大椿引夏蟲而語飛雪曾無

論乎千里與八千歲而三隅不可以一絜也子獨不聞我  
皇清之興東方乎

太祖以功立

太宗以德同十三甲堅大小白良以芟涉山林用威若平鳥  
獸于時皇天錫以醫無閭之北藪曰萬萬世惟武事是襄昔  
者明失其鹿天下倚之我

世祖角之得其大首克饗帝德遂受萬國用是肩股乎衡恒  
而喉嚨乎終華心腹乎洛室而煩髑乎代家蓋有天下百有  
餘年

聖子神孫炎炎施施而未嘗一日忘大武之志金矢而琕戈  
也今

天子樹日月之羽飛龍鳥之旗彈玉虎羅金鯨以晨夕而淵

思曰予不敢晏而娛以弛予

祖考之武事維時天地令曰成冬

皇帝開軒以納不周之風七萃六軍砰發霆興以並乎陪京而東乃獲鹿於高巘大陵也夫其下嚴寒之寥慄索重山于嵒巖夜未央而無譁人連騎而不見千年密林上叫鵲鳴墮葉幡纒焱風亂鬢瞰麇麇以騰倚呼牝牡而相飯厲長哨以裂雲崑蹄遂而角進呀駭走而投受儼異類其齎獻所謂蒼百靈以陸三驅而猶狂魑魍倏趨而竄夫迺知八荒九麓時有或不睨人有或不楚而聖人方以爲八鸞於是麟而四明於是曄者凡以率德而聽訓躬艱難而教行陣也至尊雖勞烏可以請問云爾哉且夫神龍嘘而成雲矇而出

入金石至靈者之跡也

天子之中乎則及豚魚其教則可以馴猛虎亦

至聖者之覩也夫速者鹿跡決驟者鹿之性食則分背而居則環角鹿之警防而好儼也故詩曰麀鹿攸伏傳曰與鹿豕游皆言神明之德配乎皇天然後五事之祥無所不致而萬物之智無所不周僕雖未觀其深竊嘗原其所由若乃黠者電避駭者雲迎孱者似吸陀悍者似曉峭千態億狀靜視與聽灼若殷火之洞觀而周鏡之照形然後天下知

天子之明又如來角可熹去趾不嗔逢養不籍以巧鍛獲賁無取以力搏方其呼吸得失倩冽嬰散牲牲之倫擬議而不得安俄焉還御嗒焉空山然後天下知

天子之仁至於百萬羆士一二虎旅羆畱衛匡虎驅行所羆

匪斃而麗麋尾猶生而捉麈想山靈之夜驚赤日赧其岳嶽  
三光正藏星大小數然後天下知

天子之武況夫歌蒲梢而馬赭摩蒼厓而龍蜺蛾眉大海銀  
角上園凌雲不足賦其雪峙雕龍不足辨其瓊痕與神仙而  
騎驥頌君子於萬年然後天下知

天子之文爾其邠岐有原本之撫天地有恒久之道所以秋  
獮冬狩蘋湘苕芰日月照天而憂厝火飲食飫庭而哦魚罩  
者卽鹿從乎无虞而舊衛本於撥教夫非講以農隙荒其山  
高者乎然後天下知

天子之大聖而孝由此五者古今至德之所選萃也皇哉美  
乎哨鹿備矣是故舜以至孝而象耨禹以至明而黃龍負成  
湯以至仁而蛛蝥祝文以麗獲武以蒼兕狩維我



皇之至德請陳義於斯石

湖海文傳卷一